


metres. post hanc alias duas, utrinque nimirum unam duces, cum illa rectos angulos facturas, Sectionum labra unguibus apprehensa inuicē modicē dirimes, & uteri tunicam solis manibus à secundina sensim diuelles, uenarum arteriarumq; ora ex utero in secundinam pertinentiarum pens, quod in partui proximis feceris facilius. Exemplum ab utero unā cum suis inuolucris ^{f. vii. tab. figura 30.} tum in peluim aqua plenam repones, atrum & uiridem quodammodo liquorem abluens, qui ex effractus uasorum oris promanat, secundinaq; obducitur. Modò autē diligenter secundinae substantiam, & quaecunque in illa spectanda sunt unguibus aut cultello examinabis, id imprimis animaduertēs, num ipsa membrana quae pīa sit uniuerso foetui obducta: an tantum instar latioris cinguli sit, lienis substantia efformati. Atque hīc etiam sedulo expendes, qualiter secundinae substantia externae superficiei eius inuolucris pertinaciter obnascatur, quod farmicinis imagini comparamus, secundumq; seu medium inuolucrum nuncupamus. Vbi itaq; secundinae naturam adamussim examinaueris, foetum hunc inde attolles, secundi illius inuolucris naturam consideraturus, quam simulatq; exterius inspexeris, atque quī totum foetum ambiat didiceris, cultello id alicubi pertundes, & foetus urinam profluere sines, ipsumq; foetum ambiat didiceris, uertes, atque ab umbilici uasis dependere tantisper sines, donec intimi quoque foetus inuolucris sudorem continentis harmoniam didiceris. Hoc itaq; pertusum & sudore euacuatum à foetu amoueabis, & ab umbilico etiam propendere sines, uasa umbilici inuicem disjungens, meatum illum praecipue reperiturus, cuius beneficio foetus urina in secundum ipsius inuolucrum perfertur. Inuenies autē hunc promptē, si cultello uenas & arterias qua umbilico proximae sunt, diuideris, ac meatum in ipsorum medio repositum indagaues. Abscissis his umbilici uasis unā cum foetus inuolucris, & foetu in mensam extenso, à clauiculis per costarum cartilagine ad pubis usque os sectionem in sinistro magis latere cultro aut nouacula molieris, quae in thorace & peritonaei usque cavitatem pertingit: deinde ab umbilico uenam in iecur & arterias, ad suos quibus inferuntur ramos, & meatum urinam deducētē ad uesicæ fundum, paruo admodum negotio deduces, omnemq; foetus administrationem absolues. Nisi etiam uisum esset inquire, num in foetu peculiaris aliquis processus à uena caua ad uenalem arteriam, & ab arteria magna in uenam arterialem pertineat. Acetabula uerò in oue aut capra sunt inuestiganda, utero utique uisum fuerit diuiso, abundē etenim fuerit uteri comparere cavitatem, quae in nō prae-gnantibus uaccis oppletur tuberculis ab illis non dissimilibus, ex quibus paulo post sanguis ē sede profluxurus est: aut si primo conceptionis tempore eiusmodi diuidatur uterus, tunc sinibus conspicitur decoratus, qui primum à ueteribus dissectionis professoribus acetabulino men sunt emeriti. Atq; ita praesenti Capite partium quinto hoc libro traditarū administrandi rationem abfoluimus: itaq; corpus sectionis serie reliquimus, ut ad reli-quarum partiū quas simul in illa administratione non recensui, demonstrationem neuiquam futurū sit inutile.

LIBRI QVINTI FINIS.

AN.

559
ANDREAE VESALII
BRVXELLENSIS, DE HVMANI CORPO-
RIS FABRICA LIBER SEXTVS, CORDI IPSI QVE
famulantibus organis dedicatus, ac mox in fronte figuras sibi proprias offerens,
quò minus & hīc quoque eadem figurae uarijs Capitibus
palsim praefigantur.

PRIMA SEXTI LIBRI
FIGVRA.



PRIMAE FIGVRAE, EIVSDEM QVE CHARA-
cterum Index.

PRÆSENS figura tantam hominis in dorso cubantis partem ex sinistro latere com-
monstrat, quantam ostendendae thoracis sedi sufficere arbitrati sumus. Ab anteriori itaq; tho-
racis sede et lateribus, ac dein ab aliqua colli regione cutem sectionis serie ademimus, ac dein mu-
sculis qui costis obducuntur resectis, costarum ossa à suis cartilaginibus unā cum pectoris osse li-
berauimus, & costarum ossibus (uti inter secandum sit) effractis, costarum cartilagine sursum
uersus dextrum latus attraximus, ut thoracis amplitudo, hancq; intersepientes membranae, et pul-
mo, reliquaq; in conspectum uenirent, quae modo in characterum Indice significabuntur.

A, A Sinistri lateris costarū indicātur cartilagine, unā cū pectoris osse, dextrosum sursumq; tractae.
B, B Intercostales musculi interualla cartilaginum occupantes.
C, C Costarum à cartilaginibus seiunctarum ossa.
D, D Intercostales musculi interualla ossium adimplentes.
E Clauicula hic nuda, atque in sua sede adhuc asseruata cernitur.
F Venarum, arteriarum, neruorumq; in axillam perreptantium series.
G Exterior iugularis uena hic mox auulsa cute secantibus occurrens.
H, H Sinistra thoracis amplitudinem inter diuidens membrana, superficiei ipsius sinistra hic conspicua,
quam etiam L, M, N & O indicant.
I Septum transuersum ea superficiei hic apprens, qua sinistram cavitatis thoracis sedem respicit.
K Sedes ubi inter diuidentium thoracem membranarum sinistra septo connascitur.

Aa 4 Hæc